

命駕遊山水長忘冠冕情安得王喬道控鶴入蓬瀛○中

贈正一位太政大臣藤原朝臣史五首○中

五言遊吉野二首○一首略

飛文山水地命爵薛蘿中漆姬控鶴舉○越媛接莫通煙光巖上翠日影浪前紅○中翻知玄圃近對翫入松風

〔萬葉集十九〕六日○天平勝寶二年四月遊覽布勢水海○越作歌一首并短歌

念度知丈夫能許能久禮繁思乎見明良米情也良牟等布勢乃海爾小船都良奈米真可伊可氣伊許
藝米具禮婆乎布能浦爾霞多奈妣伎垂姬爾藤浪咲而濱淨久白浪左和伎及爾戀波末佐禮杼今
日耳飽足米夜母如是已曾彌年能波爾春花之繁盛爾秋葉能黃色時爾安里我欲比見都追思努波
米此布勢能海乎

反歌

藤奈美能花盛爾如此許曾浦已藝廻都追年爾之努波米

〔古今著聞集和歌五〕御堂關白○藤原道長大井川にて遊覽し給ふ時詩歌の舟をわかちて各堪能の人々

をのせられけるに○下

〔古今著聞集遊覽四〕寛治六年十月廿九日殿上逍遙ありけり其時の皇居は堀河院也ければその北

なる所にて人々あつまりたりける次第に馬をひかせて北陣の上をわたして叡覽有けり人々
三條猪熊にてぞ馬に乗ける頭辨季仲朝臣頭中將宗通朝臣烏帽子直衣其外の人々は狩衣をぞ
著たりける所衆瀧口小舍人あひしたかひける大井河にいたりて紅葉の船に乗て盃酌ありけ
るには大夫季房侍從宗輔實隆などは年をさなければ貫首の上にご差たりける夜に入て集會
の所にかへりて各冠などしかへて内裏へまいりて宮の御かたにて和歌を講じけり先盃酌あ
りけるとかやむかしはこのことつねのことなりけるに中ごろよりたへにけりくちをしき世